

**MESYUARAT PERTAMA PENGGAL KETIGA  
DEWAN UNDANGAN NEGERI PULAU PINANG  
YANG KEEMPAT BELAS  
17 APRIL 2020**

**PERKARA : 5(B)(VII)2**

**SOALAN BERTULIS OLEH AHLI KAWASAN BATU UBAN  
YB. KUMARESAN A/L ARAMUGAM**

2. Kejadian kemalangan maut yang sering kali berlaku melibatkan pelintas jalan raya di Jalan Sultan Azlan Shah (hadapan Tapak Pesta Sungai Nibong).
  - (a) Bilakah JKR akan memasang dan membaiki pagar penghalang di sepanjang jalan tersebut?
  - (b) Adakah Kerajaan Negeri akan membina jejantas pejalan kaki untuk kemudahan pengguna di kawasan tersebut?

**YB. ZAIRIL KHIR JOHARI  
MENJAWAB BAGI PIHAK Y.A.B. KETUA MENTERI**

2. (a) Jabatan Kerja Raya (JKR) Daerah Timur Laut sedia maklum berkenaan keperluan memasang dan membaiki pagar penghalang di Jalan Sultan Azlan Shah berhadapan Tapak Pesta Sungai Nibong. Pihak JKR Daerah Timur Laut dalam proses memuktamadkan kos pembaikan pagar yang rosak dan kos pemasangan pagar baharu. Permohonan peruntukan pembaikan dan pemasangan pagar baharu melalui Ibu Pejabat JKR Pulau Pinang kepada Cawangan Senggara Fasiliti Jalan (CSFJ), Ibu Pejabat JKR Malaysia dijangka dikemukakan selewat-lewatnya pada 15 April 2020.  
  
(b) Kerajaan Negeri melalui pihak JKR akan merekodkan data-data kemalangan dan aduan sedia ada untuk dianalisa mengikut garis panduan teknikal sebelum memuktamadkan keputusan keperluan pembinaan jejantas atau tidak.

Walau bagaimanapun, sejak 12 Disember 2019, pihak JKR Daerah Timur Laut telah mengambil tindakan awalan sebagai langkah interim dengan memasang fasiliti redaan trafik iaitu jalur rentas kuning (*yellow transverse bars*) dan lampu amaran berkelip (*flashing amber light*) yang bertujuan memberi amaran kepada pengguna jalan raya untuk memperlahangkan kelajuan kenderaan bagi mengelakkan kemalangan maut berlaku di kawasan ini.